



Samtök um kvennalista

Fréttatilkynning:

Ályktun Landsfundar Samtaka um kvennalista í Reykholti 30.október til 1. nóvember 1998

Kvenfrelsissstefnan kom eins og ferskur andblær inn í staðnaða stjórnmálaumræðu á Íslandi með kvennaframboðum hinum síðari fyrir 17 árum.

Engin stefna hefur hrist jafn rækilega upp í hugsun og viðhorfi til þjóðfélagsins og þeirra gilda sem íslenskt samfélag byggir á.

Síðan þá hafa kvenfrelsissinnar, konur og karlar kosið að finna þáttöku sinni í pólitík farveg í sérframboðum kvenna. Með þeim hætti hafa mörg veigamikil baráttumál náðst í höfn. Þrátt fyrir að margt hafi áunnist í starfi undanfarinna ára, sanna dæmin að stöðugt aðhald, skýr pólitísk markmið og viljinn til þess að framfylgja þeim á öllum sviðum þjóðfélagsins, eru jafn mikilvæg kvenfrelsissstefnunni nú og áður.

Frá því að kvennalistakonur komu síðast saman til landsfundar hafa kraftar þeirra beinst að undirbúningi sameiginlegs framboðs með Alþýðubandalagi og Alþýðuflokkí í alþingiskosningum á vori komanda. Með samþykkt Landsfundar Samtaka um kvennalista um samstarf við ofangreinda aðila er brotið blað í sögu íslenskrar kvenfrelsisbaráttu.

Kvennalistinn hefur með ákvörðun sinni kosið að vera fullgildur þátttakandi í að móta nýja stefnu til næstu aldar, þar sem kvenfelsi, jöfmuður og félagshygga eru í fyrirrúmi. Með þessu vill Kvennalistinn tryggja stefnumálum sínum áframhaldandi framgang á Alþingi Íslendinga.

Hin nýja samfylking mun leggja áherslu á að standa vörð um heilbrigðis-, félags- og menntakerfið. Jafnframt mun samfylkingin hafa umhverfismál og sjálfbæra þróun í fyrirrúmi og koma á sanngjarnri skiptingu á arði af auðlindum landsins. Landsfundurinn lítur svo á að hér sé nýtt tækifæri til að koma baráttumálum kvenna í framkvæmd á nýrri öld.